

2431

國朝詞綜續編

冊四

卷一百一十五

七

國朝詞綜續編卷十五

吳縣 潘介繁 襄校

仁和 徐慶銓 編次

平湖 張炳堃 增訂

錢塘 諸可寶 校勘

永康 胡鳳丹 監刊

海鹽 黃燮清 編纂

姚燮十九首

金濂四首

陸長春二首

魏謙升十首

張泰初三首

周敏中一首

賀鳴謙一首

姚燮 字梅伯 號野橋 鎮海人 道光十四年舉人

有疎影樓詞稿

黃韻甫云梅伯予同年友丙申之春訪予

於宣南坊邸始訂交焉嗣後每北上輒往

來無間負才豪放徐蓮峯師數稱賞之善

洞簫能自按所製曲詞極跌宕新警如山

雞舞鏡顧影自妍能獨樹一幟而不屑屑

於模範者

浣溪沙

疊帳涼雲燼鳳篝夫容花隔去來愁冷香如夢盪簾
鉤欲種長春天不雨誰歌子夜月當樓銀河風露
浩然秋

鵲橋仙

天竹子

葡萄樣子櫻桃顏色珠網牆陰籠住綠翎瘦雀乍飛
來又帶雪一紅銜去松枝共互梅花共吐時節天
寒日暮分明翠袖倚闌珊恰添上淚痕如許

浣溪沙

不盡銀河向北流水精簾卷最高樓鐵簫如鶴唱涼
州千里關山千里月幾家歡樂幾家愁人間天上
此時秋

高陽臺

拭唾題裙橫箏坐酒湖樓影事闌珊兩地鵲愁十年
紅雨關山重逢丁巷春如夢病天桃褪了煙鬟淚偷
彈紫玉犀釵敲遍闌干舊歡那忍重提說賸柳鶯
曉箔桐鳳秋紈黯到香魂牆陰誰護情旛西風明日
錢塘路散蘋花吹聚應難悄無言兩道愁青抹上眉
彎

尾犯

汎舟鱣門尋荷花未開夕色微起涼風乍
迎天靄水煙若斂若合命舟妓王五齡停
槳西灣水亭側散步移晌日薄而返曝書
亭句云坐愛水亭香氣是藕葉最多處此
景彷彿之因兼懷月湖攬碧莊同吟諸子
按錢氏養新錄云蘇州之葑門讀葑如富
聲相近而譌也余考范氏吳郡志云越軍
開示浦子胥以濤蕩羅城開此門有鱣鱣
隨潮而入故以名門蓋名鱣門也史記正義云吳東城鱣門謂鱣門也今名葑是鱣
門亦名鱣門鱣普姑反與富字音略同葑
讀如富當因鱣而誤

水平天爽有斜陽不了帶煙迴盪越鷗楚雁何娟媚
曳蘋絲來往誰家亭館向冷翠多邊傍恁枝枝葉葉
當風未秋已作秋響那識客心搖漾倚孤篷縈舊
况問風流攬碧春甕銀魚嘯歌無恙扇影漪雲衫香
吹露近誰招賞又無奈聽拍吳歌眉山涼月初上

水調歌頭太湖曉渡

三萬六千頃七十二芙蓉曉煙浩浩不盡曉水更濛
濛帆影蘆蒲深處人影琉璃明處雁影界長空山色

互縈繞一百里東風 迷離樹是嶺橘是江楓晴雪
搖旭其上黃色亂青蔥坐我舵樓橫笛不見蕪塘走
馬哀響激蛟龍破浪羨伊穩四扇側瓜篷

賣花聲 酒深燈炮春人欲離愴成短闋

疎髻鞦韆珠蟬翠姁紅娟春宵似海誤伊眠窗月有香
花在水人語吹煙 一語一生憐黯絕離筵明朝要
上越江船又是恩恩如夢裏莫說當年

又和小譜

春雨怯單衣春夢燈知春痕顚顚到眉姿只道寒深
耽病久諱說相思 斜日下罌恩鶯語迷離碧闌干
外記逢伊笑撚桃花伴不覺泥立移時

隔谿梅令

春心一縷細難傳裊紅絃故倚銀屏默默鎮相憐綠
鬟垂到肩 飄零錦瑟半成煙感韶年腸斷鶯聲夢
斷澥棠邊月斜樓上眠

菩薩蠻

依依人語花雲疊鳳鈿墮響迴停屨瘦影可憐妝一
枝秋海棠 昨宵涼思闌坐夢樓西月月好怯風尖
捲簾還下簾
好事近

帆隔幾重山雁語莫潮聲裏酒醒不知人別但斜陽
千里煙帆雲雁各微茫湖水接江水愁擗一枝秋
管坐荻心吹起

憶舊遊

寄沈東岑吳中

記綠蘋桺短紅藕簾疏共倚春詞一曲傷離後問燈
雲榻雨夢瘦還肥只愁畫梁如昔巢燕已全非莫宿
酒痕青羅襟待澣又蘸新啼依稀那回事算值得
人人眉楚鬟悽煙水東流盡便等身金好難鑄相思
試看女墳湖上日夕鷓鴣飛恁一路江南楊花亂落
人未歸

謁金門

枕函殘夢圖爲韻仙女士題

花壓臂爛把斷雲扶起一髮東風知甚意更吹來細
細怯怯懨懨天氣了了昏昏情味眼底綠蕪千萬
里是煙還是水

琵琶仙

憶余偕王雨耕史雲坪因錢唐之役詣

舟蘭江時羽鳥怡姓葩蘼寫豔媚歌靚
酌滌愁盪歡留連彌旬而別辛卯三月
事也越歲壬秋孤舫重溯尋登孫氏水
明樓盼遠憶游悵焉今昔

白石重來總無那曲裏風情消息江上涼雨微吹簾

鉤挂初夕殘柳外樓臺似舊甚添上水雲愁碧晚絮
馱鶯春絃叶鷓鴣佳麗空憶但飛到天角孤鴻弄秋
語淒寒向蘆荻撩起荻陰漁管唱西風無力煙縈遠
兜孌去也倚畫闌目斷迴汝又見東峴斜暉淡黃遙
射

問梅花

登樓眺兩湖五磊大茗諸峯玉龍蜿蜒

上絕飛鳥雲白天晶千里一色疑置人
玉壺冰鑑中清且冽也自製此聲倚浮
碧館綠萼梅下歌之節拍婉楚頗合越
音因邀蘭士擲筆小譜擲笛

銀海浩茫茫問梅花寄我何處好消息家山東一角
村樹城巒失遙碧誰橫樓笛喚醒荒驛栖鴉馱平蕪
冷色水外沽帘籬舍兩三恁蕭瑟湖煙起千峯夕
又昏黃挂上斜日瓊妃垂綰袂獨夜空山定余憶夢
須相覓奈一天淒風愁月翠羽明璫總迢隔曉起重
看萬里依舊寒白

釣船笛

幾日不登樓未識春光多少纔到春風一夜見滿城
芳草樓頭日日鎖春陰樓外春聲悄纔放春晴一
面聽滿山啼鳥

浪淘沙 答小謹

晴月上遙山院落人閒柳花如夢隔煙看透得玲瓏
春樣子只有闌干 琴語急迴湍怨調微彈勸君莫
種楚江蘭紉了同心雙佩結欲解須難

水龍吟 吟塔影

曾來策蹇湖陰鞭絲指點南屏路諸天秋霽上方月
正一鉞寒豎笥閣經殘石牀茶熟慣留雲住更松臙
天半橫波皺碧從煙際尋鈴語 莫問銀繩玉柱恁
淒涼幾經鷓鴣怖蘿垂蘚剝劫如泡電玲瓏千古山雨
湖雲樓臺罨畫不遮高處恰暝鴟一陣帶將落葉向
微茫去

露華春慢 五谿桃花經春輒甚恰日悅水妖靡

跌盪天台武陵若無以逾姓時嘗舟
詣焉風景喧寂因遊屢變忽忽似中
感不能無詞製商調以寫之商調者
卽俗之六字調也唐商調曲俱用上
字製音爲商之宮上商清也九聲宮
四商上角尺工徵羽六其清聲則宮
側商上角尺工徵羽六其清聲則宮
清羽之下卽今之合是也是調以工

掣音由低工序而升之爲商蓋起於
太簇以夾鐘爲變宮姑洗爲商中呂
爲角也禮云商亂則陂余按簫求之
幸不失正名曰姑洗清商調

櫂迴雲壑又溶溶流水緋桃照晴萼小笠短筇擔酒
自過平橫竹斜陽舊時樓閣恁無人閉了珠箔况青
山笑淺黃鶯語嬾春氣猶弱漫思昨送畫扇鈿車
芳草繡成幄望斷晚霞依依此情誰著嫩香乍颺小
紅欲墮煙起林薄歸去也倚篷延酌空回首亂峯嶸
孫宗禮字定夫江都人道光十四年舉人有二十

四橋吹簫譜

菩薩蠻

春風不肯隨人去江南三月初飛絮飛絮已無多相
思奈若何含情渾不語眉月纖纖吐對此莫生愁
團團在後頭

高陽臺次龔定庵韻

雨惹鶯愁風牽蝶恨夢中還認今宵翠箔明珠那堪
先賦飄蕭櫻桃門巷深深護便重來只是無慘記迷
離花底調箏月底修簫堪憐碧海青天意甚蘭缸
影事幽怨都拋十載文園無端淚滿鮫綃多情底事

工腸斷數芳期暗裏魂消算年年春去春來都付江潮

憶舊遊

數寒煙薄暝絲雨撩愁別後沈吟此際難重省已春
魂欲斷何況秋心玉釵縱應敲徧誰復認鴛衾有側
側橫波深深款語夢裏重尋難禁舊遊處半檻落
潮痕戶掩苔陰賸有門前水照六朝山色依舊而今
只恐鏡中人老愁影鬢遙侵待子夜思量淒涼怕聽
飄笛音

鳳皇臺上憶吹簫題金紉蘭卷子

錦瑟芳韶明星密誓十年心事都休念壯懷猶昨鬢
已先秋依舊釵光扇影都不似往昔清遊重來認雲
廊月戶寂寞簾鉤綢繆者回悵望千萬樹枇杷門
巷空留問玉人還在腸斷橋頭縱是燒燈蘭夜無奈
又夢遠西樓淒涼甚而今怕聞那日笙篴

金

灋字讓水號穉柏仁和入道光十五年庶常

有不秋草堂吟稿壓綫詞

黃韻甫云讓水詩文雄麗詞以側儻勝道
光壬辰秋與予訂交湖上次年春公車北
上留京中三載乙未捷南宮以庶常用未

散館而卒惜哉其詩詞遺稿存金橋寓齋
予丙申入都爲什襲藏之慮其散失也不
數月而金橋亦相繼謝世矣展卷悵悵不
勝宿草之感

金縷曲

余今春入都宿良鄉旅店曾和壁間夢

塘次農金縷曲詞後笠耕先生過而賞
之依韻見和有覓詞伯遍入海之句夏
六月假館先生之淡園偶出示手書長
卷則余及二君作皆在焉蓋先生以素
紙錄歸且爲之跋洵一段文字因緣惜
夢塘次農不知何許人也葉筠潭先生
有和作三首紀其事余因疊前韻以志
感

咫尺重闌外又誰知輓紅十丈倦游人在喜極相逢
偏恨晚回首韶光都改正瓊樓心情無賴一榻而今
依廣廈且休愁茅屋西風壞思面壁住十載讀君
詩卷千回耐笠耕先生著有抱冲齋詩集數十卷更
不數元和才子篇章小碎吟徧蓬壺春色曉玉漏千
官齊待羨佳句雞林早賣箸作等身千古事算名山
業富金難買觀止矣浩如海

徵招西樓對雨

畫樓人立西風裏。瀟瀟半城涼雨。暝色壓螺峯，只眉痕遙露。天街歸騎，數料香濺，軟紅塵土。翠溼溟濛幾家庭院，幾重煙樹。秋緒未分明寒鴉外，新瀝作成淒楚。點點入愁心，更芭蕉聲苦。登臨嗟倦旅，問鄉思、蒼茫何處。又誰見、別淚千絲，隔簾波偷注。

滿江紅題秋江釣月圖

破網千絲挂一片玲瓏。涼月看畫出，潮平江上秋澄。練白木葉聲飛篷背，雨蘆花影撲船頭。雪且安排蓑笠傲王侯。漁竿擲星漢迴浮天闊，鷗鷺冷偎煙寂。正霜鱗滿斗村醪，換得醉倚風前橫竹。短狂撈水底明珠，溼奈披圖笑我負鱸魚，遲歸櫂。

偷聲木蘭花

客愁釀得秋陰重。勒住西風吹不動。睡鴨香殘簾幙深深閉。曉寒一繩雁字空江冷。相思寫入歸帆影。莫上高樓天際。模糊煙樹浮。

蔣志凝

字子于號澹懷元和人諸生有心白日齋

詩詞

孫蕖田云澹懷以詩名江南北性孤介阨於所遭詞學夢窗稿俱散佚道光癸卯秋

殁於京邸遺篋中存此數闕亦吉光片羽也

疎影

辛丑初春白沙旅廨購置水仙數盆屏帷易暄跼萼競吐冷香豔若華月之破夜而翠煙之融晨也趙良甫有詞余亦譜此

盈盈脈脈伴玉沙
瑤草吟事幽絕紙閣晴初
棐几燈初相看世外瑩潔
嬋娟自慣天寒倚悄換卻
銖衣重疊便賦成翠羽明
璫佇立渺然難說移向西
湖廟裏鏡波試照影都是
冰雪悵望湘娥杜若汀洲
歲晚芳華消歇還愁海上
琴心杳墮冷夢空江煙月
算似伊羅轡無塵那識豔
陽蜂蝶

又艮甫水仙詞玲瓏四犯一闕謝默翁和之并

和余作皆極淒清縣渺之音良甫與余復譜原調以質默翁

春泉動脈漾素沙
滿盞風味清絕歲晏孤花
裊裊亭難摹意境娟潔屏山
供養無多地卻似在瑤臺層
疊抱古愁別自低徊獨有
楚詞能說誰是香修伴侶
玉梅萬樹底相對晴雪翠
帔黃純一種仙心不與年
芳俱歇雙鉤水墨王孫卷
又現影江皋寒月趙子固
水墨雙鉤水仙卷極自喜嘗
泊舟嚴灘看月呼曰

吾水仙現影矣見畫禪室隨筆向夜闌呼出冰魂我欲夢爲胡蝶

又三疊韻詠水仙

全離土脈卻冒寒吐穎根性奇絕不炫娉婷祇覺蹁躚凌波細步閒潔胎紅孕紫方如夢夢也隔香雲千疊似畫圖空谷幽居小字儷蘭須說昏曉芳菲靜會麝爐屏斷久銀蒜霏雪古洗銅斑掩映橫斜淡到吟聲都歇尋思萼綠華何處看女史星連明月幻縞衣同入羅浮便合舞來仙蜨水仙數百本見花史姚姥帖宋楊仲因以古銅洗種水仙數百本見花史姚姥夢女史星墜地化爲水仙見內觀日疏

高陽臺

張君荔門背臨李易安小影風鬟霧鬢

恨雨顰煙真能寫出醉花陰聲聲慢兩詞悽清意境秦君淡如題以是闕婉麗纏綿余讀而愛之倚聲爲和

笳拍文姬琴心卓女併來愁豔惺忪柳月梢頭應輸漱玉詞工傷春髻子慵梳久又重陽簾捲西風恁銷魂滿地黃花窗黑梧桐當時眷屬神仙似想烹茶刻燭靜治堂中被冷香銷幾番吹夢無踪劫餘書畫雲煙散憶秦樓彈淚征鴻算難摹一寸柔腸瘦損秋

容

陸長春號簫士烏程人副貢生有眉月樓簫譜

南歌子

蝶夢酣難醒鶯聲澀未調東風吹放綠楊條檢點一
年春事過花朝 陌上香車斷樓頭錦字遙無情只
恨木蘭橈記得那時分別在紅橋

浣溪沙

小鏡菱花對舞鸞曉妝樓上怯衣單一簾微雨作秋
寒 鎖夢暗通金屈戌倚嬌斜鞦韆玉闌干長眉畫了
借人看

孫麟趾

字清瑞號月坡長洲人諸生有秋露問玉

叩門倚闌鳳簫諸詞

錢筱南云月坡詞婉約清空纏綿深至無
紛然雜出之語有往復不已之思是得力
於碧山玉田而不屑刻意求似者惜乎老
而不遇僅以詞名每一倚聲輒復自悼也
嚴問樵云月坡詞芬芳悱惻音豔神清

洞仙歌

移居白下

蘆簾紙閣料無人尋到怨蟀零蟬伴昏曉且移書傍
檻捧鏡當窗吟嘯處更比五湖船小 舊家門巷在

燕子銜泥懶把繁華問斜照只隔一重牆斷柳殘荷
數不出秋聲多少笑閉戶閒眠似維摩便花片飛來
也無心掃

祝英臺近

丁未寒食偕蔣楚亭雪舫至瑞相院
訪馬守貞墓尋斷碣不得問土人無
知者淒然賦此

懶看山慵喚酒來訪美人墓隨著鐘聲問到水邊路
只從芳草搜尋斷碑捫徧總不是埋伊香土恨難
訴可曾月夜魂歸花底悄吟句舊日羅裙化作蜨飛
去自憐飄泊天涯又逢寒食便珠淚也無彈處

又簾鉤

畫簾垂銀蒜並銜絮燕歸未采索低懸高下稱人意
誰將一片湘波付伊管領儘搖曳落花風裏舊游
地分明倒映池心游魚也驚避偶觸金釵聲比雨鈴
細最憐寂寞黃昏柳梢斜露似新月碧天初起

洞仙歌

小南移居詞以賀之

蘆簾紙閣把琴書閒理定稱紅閨采鸞意算題詩寫
韻須種芭蕉茶竈外可有幾弓餘地神仙多豔福
並坐雙行詠絮窗深聚香氣何處好吹簫何處飛觴
料總在玉梅花底笑我亦天涯屢移家余挈眷金陵